

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/KANTONALNO TUŽITELJSTVO
TRAVNIK

Broj: T06 0 KT RZ 0006815 12
Travnik, 23.04.2015.godine

KANTONALNOM SUDU U NOVOM TRAVNIKU
- Sudiji za prethodno saslušanje -
NOVI TRAVNIK

Na osnovu člana 45. stav 2. tačka i) i člana 241.stav 1. Zakona o krivičnom postupku Federacije Bosne i Hercegovine, podižem:

OPTUŽNICU

PROTIV:

MILORAD TOPIĆ, rođen 1970. godine u mjestu Pajić Polje, općina Gornji Vakuf-Uskoplje, nastanjen u Pajić Polje bb, općina Gornji Vakuf-Uskoplje,

ŠTO JE tokom rata u Bosni i Hercegovini i u vrijeme oružanog sukoba između jedinica HVO-a i ARBiH na području Gornjeg Vakufa-Uskoplja, kao pripadnik HVO VP 6231 Bugojno, i to Jedinice za posebne namjene „Garavi“, zajedno sa drugim nepoznatim pripadnicima HVO-a, postupao suprotno pravilima zajedničkog člana 3. Ženevske konvencije o zaštiti civilnog stanovništva od 12.08.1949.godine i odredbama člana 4. stav 1. i 2. tačka a) Dodatnog protokola II uz Ženevske konvencije o zaštiti žrtava nemeđunarodnih oružanih sukoba od 8.juna 1977.godine, pa je tako :

Neutvrđenog dana tokom januara mjeseca 1993.godine nakon što su S. D. i F. B. kao pripadnici saniteta ARBiH zarobljeni od strane pripadnika HVO na vojnom punktu koji je bio pod kontrolom HVO i nakon što su zarobljeni sprovedeni u prostorije Osnovne škole u Pajić Polju, općina Gornji Vakuf-Uskoplje, iz prostorije gdje su bili zatvoreni zajedno sa M. K. i A. K. izveden je S. D. od strane dva maskirana pripadnika HVO na hodnik, da bi ga potom Milorad Topić zvani Čiča, koji je stajao na hodniku ugurao u drugu prostoriju i krenuo ga tući vičući „Kako tuče ustaša“, udarivši ga nogom u glavu od čega je S. D. pao na pod, da bi se potom i drugi nepoznati vojnici pridružili i zajedno sa Miloradom Topićem zvanim Čiča nanosili povrede S. D., udarajući ga nogama i rukama po čitavom tijelu, razbijali mu flaše od tijelo i od glavu, što je kod S. D. ostavilo ožiljak u predjelu glave, te se koristili stolicama i dijelovima stolova, da bi mu nanosili povrede po čitavom tijelu, od kojih povreda je S. D. bio sav crn, otečen i u velikim bolovima.

Dakle,

kršeći pravila međunarodnog humanitarnog prava, nečovječno postupao, nanosio velike patnje ili povrede tjelesnog integriteta ili zdravlja civila.

ČIME JE UČINIO krivično djelo Ratni zločin protiv civilnog stanovništva iz člana 142. stav 1. preuzetog KZ SFRJ u vezi sa članom 22. KZ SFRJ

